

zuzendariari

(0034) 943 300 222



zuzendariari@egunkaria.com



Martin Ugalde kultur parkea 20140 Andoain

Iruzurra Gasteizko Luis Elejalde eskolan

Emilio Azueta Diaz • GASTEIZ

Gure semea Luis Elejalde eskolan Lehenengo Hezkuntzako 4. mailan matrikultatuturik dago. Deredu hutsa eskaintzen dutenen artean gure etxetik ikastetxe publiko gertuena delako aukeratu genuen.

Ikasturte hau hasi bezain laster, guztiz harriturik, ingeleseko irakasleak ez duela euskaraz egiten jakin genuen, besteak beste ez duelako inolako gaitasunik horretarako (ez 2HE, ez 1HE, ez IGA... ez ezer!). Irakasle horrek 12 ordu (4 x 3) 3., 4., 5. eta 6. mailatan ematen ditu.

Argi dago legez kanpoko den egoera horri buelta emateko hainbat mugimendu egin egin ditugula... Eta orain hamalau

bat egun eskolako zuzendariak gurasoei *lorturiko irtenbidea* jakinarazi zigun: irakasle horrek (eta erretiratu arte) 5. eta 6. mailatan baino ez ditu eskolak emango, hori bai ingelesa emateaz gain gaztelaniako orduak ere emanez!!!

Zuzendariak zioenez, Hezkuntza Administrazioa bat omen dator *irtenbide* horrekin eta guk nola demontre izan litekeen hori galdetzen diogu geure buruari, horrela ikasleen eskubideak are gehiago zapalduko liratekeela kontuan hartuz.

Bi beharrean, lau ditugu, beraz: euskaraz zer den ez dakien irakasle horrek, Deredu batean, ez 12 orain bezala (berez izugarri larria dena)... 16 ordu baizik (8 x 2) emango lituzke!!!

Ahaleginetan gabilta oraindik, noski, amesgaiztoa amaitzeko; baina, gezurra

badirudi ere, oraindik alferrik. Dena den, gutunaren izenburua ezin esanguratsua goa dela uste dugu: Luis Elejalde D eredua eskaintzen dutela diote, baina gezurretan ari dira. Iruzurra da

Bi gazte Auzitegi Nazionallean

Alex Areizaga Albisua • ZUMARRAGA

Duela hilabete batzuk, Matxinatuen Korrikaldia Zumarraga-Urretxutik igaro zen egun berean, herri hauetako bi gazte identifikatu zituen Ertzaintzak, *Atxilotuak askatu* leloa zuen pankarta bat jartzen ari zirela. Herri hauetan, beste guztietan gertatuko den bezala, identifikazioak, isunak, jarraipenak... eguneroko ogi dira gazte batzuentzat, eta esan beharra dago

identifikazio hori ez zela gainontzekoen ezberdina izango Auzitegi Nazionalera deklaratzera joateko zitazio bat iritsi ez balitzaie handik hilabete batzuetara.

Zitazioa 571. artikularen akusaziopean iritsi zaie —hau da, «*asociación ilícita-terrorismo*»—, eta gaur deklaratu dute Madril. Ez dakit ziur, baina uste dut honelako kasu batengatik bi gaztek Madrilera joan behar duten lehenengo aldiatarikoa dela.

Adierazpen askatasuna eta *pentsaera guztiekiko errespetua* hain hitz erabiliak diren egunotan, beldur naiz ea hainbeste aldiz errepikatzearekin ez ote duten zentzua galdu, eta batzuek ez ote duten ikusi nahi hitz haien benetako esanahia. Zergatik ote? Zuen hitzek biztanleriaren zati bat bakarrik hartzen al dute?

montxo



galdeiozu... ?

hirusta

Castillo Suarez



NAGORE ARANBURU

Aktorea

Madrilera joango al zinateke telesail ezagunen bat egitera? Eta Hollywoodera?

Koldo Larrañaga (Azpeitia)

Ni oso gustura nabil hemen lanean. Zorte handia izan dut eta hasi nintzenetik gauza asko egiteko aukera eman didate; aktore bezala, gidoigile ere aritzen naiz... Ez dit ilusio berezirik egiten Madrilera lanera joateak. Deituz gero, ez dakit zer esango nukeen. Lana interesgarria izanez gero, pentsatzen dut baietz. Baina nahiago dut hemen lan egin. Etxekoak eta lagunak aldamenean behar ditut. Hollywooden berriz... zuk imajinatzen al duzu azpeitiar bat Hollywooden?

Otsailaren 18tik aurrera **Juantxo Lopez Uralde** • **Greenpeaceko Espainiako arduraduna** izango da Galdeiozu ataleko gonbidatua. Bidali zure galderak ordurako. galdeiozu@egunkaria.com



Hutsetik abiatzea

Pisuko jabeek jana utzi dute hozkailuan: tomateak, irekitako esne kaxa bat, gargaok eta gazta puska bat. Etxe bateko nagusiak ezagutu nahi baldin badituzu, ireki beren etxeko hozkailua. Albertok hori badaki eta sukaldea garbitzen hasi da, berak ekarritako espartzu eta eskutrapuekin. Behin hozkailua garbituta, hobeki sentituko da.

Etxe berri batera sartzean garbigailuaren instrukzioak ikasi behar izaten dira beste gauza batzuen artean. Gogoan izan behar dira etxeko nagusien aginduak (honako leiho hau ez da erabat itxita gelditzen ez baduzu krisketa indarrez hartzen, astebukaeretan ez bazaude gasaren giltza itxi mesedez...). Albertok bi asteetan lekutuko dela badaki, ez delako etxetik aldatzen den lehendabiziko aldia, ezta azkenekoa ere. Egia esan, nekatua dago etxetik aldatzeaz eta gogaitu egiten dute etxe aldaketek, batik bat ez direlako

hutsik egoten etxe berriak eta bai jabeek eta bai aurreko maizterrek beren gauzak uzten dituztelako bertan. Haien arrastoa gelditzen da.

Etxe alokatuak Euskal Herria alokatuan.

Albertok etxe erabat hutsa nahi luke, hutsetik abiatzeko. Haatik, hamaika adierazpen, alternatiba, deialdi eta abar ezagutu ditugu dagoneko. Inor ez dago amore emateko prest, hutsetik hastea ezinezkoa balitz bezala. Badirudi inork ez duela zalantzan jartzen sinaduren eta atxikimenduen balioa. Eta bizitakoa ez zaigu beti ikasbide izaten. Eta ikusi ditugu garai hobekak. Artean jendea kezkaturik ageri zen eta bere haserrea adierazten zuen. Eta bizi ditugun une hauek ez dira garai hartakoak bezalakoak, jende gutxi ikusten baita aztoraturik.

Agian zuk baduzu etxeren bat erabat hutsik Albertori uzteko. Ni sinisten hasia naiz ez dagoela esparru aseptikorik.